



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԳԼԽԱՎՈՐ ԴԱՏԱԽԱՁ

ՀՐԱՄԱՆ № 28

«10» 04 2018 թ.

ք. Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԼԽԱՎՈՐ ԴԱՏԱԽԱՁԻ, ՆՐԱ
ՏԵՂԱԿԱԼՆԵՐԻ ԵՎ ԳԼԽԱՎՈՐ ԴԱՏԱԽԱՁՈՒԹՅԱՆ ԱՎԱԳ ԴԱՏԱԽԱՁՆԵՐԻ
ՄԻՋԵՎ ԱՇԽԱՏԱՆՔԻ ԲԱԺԱՆՈՒՄ ԿԱՏԱՐԵԼՈՒ ՈՒ ՀԱՅԱՍՏԱՆԻ
ՀԱՆՐԱՊԵՏՈՒԹՅԱՆ ԳԼԽԱՎՈՐ ԴԱՏԱԽԱՁԻ 2014 ԹՎԱԿԱՆԻ ՀՈԿՏԵՄԲԵՐԻ
29-Ի N 85 ԵՎ 2016 ԹՎԱԿԱՆԻ ՀՈԿՏԵՄԲԵՐԻ 31-Ի N 97 ՀՐԱՄԱՆՆԵՐՆ ՈՒԺԸ
ԿՈՐՑՐԱԾ ՃԱՆԱԶԵԼՈՒ ՄԱՍԻՆ

Ելնելով Հայաստանի Հանրապետության դատախազության գործունեության արդյունավետությունը բարձրացնելու, աշխատանքի հավասարաչափ բաժանում և ծանրաբեռնվածությունն ապահովելու անհրաժեշտությունից՝ Հայաստանի Հանրապետության գլխավոր դատախազի, նրա տեղակալների և գլխավոր դատախազության ավագ դատախազների միջև աշխատանքի բաժանում կատարելու նպատակով, ղեկավարվելով «Դատախազության մասին» Հայաստանի Հանրապետության օրենքի 2-րդ հոդվածի 2-րդ մասով, 9-րդ հոդվածի 2-րդ մասի 2-րդ և 7-րդ կետերով, 30-րդ հոդվածի 1-ին և 3-րդ մասերով՝

Հ ր ա մ ա յ ու մ ե մ՝

1. Կատարել Հայաստանի Հանրապետության գլխավոր դատախազի, նրա տեղակալների և գլխավոր դատախազության ավագ դատախազների միջև աշխատանքի հետևյալ բաժանումը.

1) Հայաստանի Հանրապետության գլխավոր դատախազ Արթուր Դավթյանը՝

ա. իրականացնում է Հայաստանի Հանրապետության դատախազության գործունեության ընդհանուր ղեկավարումը և վերահսկողությունը,

բ. սահմանում է Հայաստանի Հանրապետության դատախազության լիազորությունների իրականացման ուղղությունները,

գ. համակարգում և վերահսկում է Հայաստանի Հանրապետության գլխավոր դատախազության կազմակերպական-վերահսկողական և իրավական ապահովման վարչության աշխատանքները,

դ. ղեկավարում և վերահսկում է Հայաստանի Հանրապետության գլխավոր դատախազության ավագ դատախազների, Հայաստանի Հանրապետության գլխավոր

դատախազի խորհրդականների (այդ թվում՝ զանգվածային լրատվության միջոցների հետ համագործակցության հարցերով խորհրդականի) և օգնականների աշխատանքները,

ե. ղեկավարում է Հայաստանի Հանրապետության գլխավոր դատախազին առընթեր ստեղծված խորհուրդների, աշխատանքային խմբերի, հանձնաժողովների աշխատանքները,

զ. կառավարում է Հայաստանի Հանրապետության դատախազության գլխավոր քարտուղարի, նրա տեղակալների և Հայաստանի Հանրապետության դատախազության աշխատակազմի աշխատանքները:

2) Հայաստանի Հանրապետության գլխավոր դատախազի տեղակալ Արմեն Հարությունյանը՝

ա. համակարգում և վերահսկում է մինչդատական քրեական վարույթի օրինականության նկատմամբ վերահսկողության վարչության աշխատանքները, ինչպես նաև մինչդատական քրեական վարույթի օրինականության նկատմամբ հսկողության ոլորտը, բացառությամբ այս ոլորտում Հայաստանի Հանրապետության գլխավոր դատախազության կոռուպցիոն և տնտեսական գործունեության դեմ ուղղված հանցագործությունների գործերով, հատկապես կարևոր գործերով քննության նկատմամբ հսկողության, հասարակական անվտանգության դեմ ուղղված հանցագործությունների քննության նկատմամբ հսկողության վարչությունների աշխատանքների,

բ. համակարգում և վերահսկում է Հայաստանի Հանրապետության գլխավոր դատախազության պատիժների և հարկադրանքի այլ միջոցների կիրառման օրինականության նկատմամբ հսկողության վարչության աշխատանքները, ինչպես նաև պատիժների և հարկադրանքի այլ միջոցների կիրառման օրինականության նկատմամբ հսկողության ոլորտը,

գ. համակարգում է Արդարադատության ակադեմիայի՝ Հայաստանի Հանրապետության դատախազությանն առնչվող աշխատանքները,

դ. համակարգում է քաղաքացիական պաշտպանության ոլորտին վերաբերող հարցերը:

3) Հայաստանի Հանրապետության գլխավոր դատախազի տեղակալ Հայկ Ասլանյանը համակարգում և վերահսկում է Հայաստանի Հանրապետության գլխավոր դատախազության հատկապես կարևոր գործերով քննության նկատմամբ հսկողության, կոռուպցիոն և տնտեսական գործունեության դեմ ուղղված հանցագործությունների գործերով, պետական շահերի պաշտպանության վարչությունների աշխատանքները, ինչպես նաև կոռուպցիոն և տնտեսական գործունեության դեմ ուղղված հանցագործությունների քննության նկատմամբ հսկողության և պետական շահերի պաշտպանության ոլորտները:

4) Հայաստանի Հանրապետության գլխավոր դատախազի տեղակալ Դավիթ Մելքոնյանը՝

ա. համակարգում և վերահսկում է Հայաստանի Հանրապետության գլխավոր դատախազության մեղադրանքի պաշտպանության և դատական ակտերի բողոքարկման վարչության աշխատանքները, ինչպես նաև դատարանում մեղադրանքի պաշտպանության և դատական ակտերի բողոքարկման ոլորտը, բացառությամբ այս ոլորտում Հայաստանի Հանրապետության գլխավոր դատախազության մինչդատական քրեական վարույթի օրինականության նկատմամբ վերահսկողության, հատկապես կարևոր գործերով քննության նկատմամբ հսկողության, կոռուպցիոն և տնտեսական գործունեության դեմ ուղղված հանցագործությունների գործերով, պետական շահերի պաշտպանության,

պատիժների և հարկադրանքի այլ միջոցների կիրառման օրինականության նկատմամբ հսկողության վարչությունների աշխատանքների,

բ. համակարգում և վերահսկում է Հայաստանի Հանրապետության գլխավոր դատախազության միջազգային-իրավական համագործակցության և հասարակական անվտանգության դեմ ուղղված հանցագործությունների քննության նկատմամբ հսկողության վարչությունների աշխատանքները, ինչպես նաև միջազգային-իրավական համագործակցության ոլորտը,

գ. ղեկավարում և համակարգում է Հայաստանի Հանրապետության դատախազության «Օրինականություն» գիտագործնական և ուսումնամեթոդական հանդեսի խմբագրական խորհրդի ու գլխավոր խմբագրի աշխատանքները:

5) Հայաստանի Հանրապետության զինվորական դատախազ, Հայաստանի Հանրապետության գլխավոր դատախազի տեղակալ Վահե Հարությունյանը ղեկավարում և համակարգում է Հայաստանի Հանրապետության զինվորական դատախազության աշխատանքները:

6) Հայաստանի Հանրապետության գլխավոր դատախազության ավագ դատախազ Կարեն Կարապետյանը՝

ա. համակարգում է անչափահասների իրավունքների և օրինական շահերի պաշտպանության ոլորտում Հայաստանի Հանրապետության դատախազության գործունեությանն առնչվող աշխատանքները,

բ. Հայաստանի Հանրապետության գլխավոր դատախազի կողմից հանձնարարված առանձին քրեական գործերով իրականացնում է դատախազական հսկողություն և դատավարական ղեկավարում, ինչպես նաև մեղադրանքի պաշտպանություն և դրանով պայմանավորված՝ դատական ակտերի բողոքարկում,

գ. ապահովում է Հայաստանի Հանրապետության զինվորական դատախազության ոլորտում Հայաստանի Հանրապետության գլխավոր դատախազի վերահսկողական լիազորությունների իրականացումը:

7) Հայաստանի Հանրապետության գլխավոր դատախազության ավագ դատախազ Արմեն Նիկողոսյանը՝

ա. Հայաստանի Հանրապետության գլխավոր դատախազի կողմից հանձնարարված կոռուպցիոն բնույթի հասարակական հնչեղություն ունեցող, բարդ և բազմադրվագ քրեական գործերով իրականացնում է դատախազական հսկողություն և դատավարական ղեկավարում, ինչպես նաև մեղադրանքի պաշտպանություն և դրանով պայմանավորված՝ դատական ակտերի բողոքարկում,

բ. ուսումնասիրում և ամփոփում է կոռուպցիայի կանխարգելման ոլորտում Հայաստանի Հանրապետության ստանձնած միջազգային պարտավորությունների կատարման ընթացքի և արդյունքների վերաբերյալ համապատասխան կառույցներից ստացված տվյալները, պատրաստում և Հայաստանի Հանրապետության գլխավոր դատախազին է ներկայացնում նշված ոլորտում առաջադրված հարցադրումների վերաբերյալ պատասխանների նախագծերը,

գ. համակարգում է Կոռուպցիայի կանխարգելման հանձնաժողովի հետ կապված Հայաստանի Հանրապետության դատախազության աշխատանքները, ապահովում է ազդարարման համակարգի ոլորտում դատախազության գործառույթների իրականացումը:

2. Ուժը կորցրած ճանաչել Հայաստանի Հանրապետության գլխավոր դատախազի 2014 թվականի հոկտեմբերի 29-ի «Անչափահասների իրավունքների և օրինական շահերի պաշտպանության ոլորտում պարտականությունների բաշխում կատարելու մասին» N 85 և 2016 թվականի հոկտեմբերի 31-ի «Հայաստանի Հանրապետության գլխավոր դատախազի

ու նրա տեղակալների միջև աշխատանքի բաժանում կատարելու և Հայաստանի Հանրապետության գլխավոր դատախազի 2016 թվականի հունիսի 10-ի N 49 հրամանն ուժը կորցրած ճանաչելու մասին» N 97 հրամանները:

3. Սույն հրամանի կատարման վերահսկողությունը վերցնում եմ ինձ վրա:

4. Սույն հրամանի պատճենն ուղարկել Հայաստանի Հանրապետության գլխավոր դատախազի տեղակալներին, Հայաստանի Հանրապետության գլխավոր դատախազության վարչությունների պետերին և ավագ դատախազներին, Հայաստանի Հանրապետության զինվորական կենտրոնական դատախազության բաժինների պետերին ու ավագ դատախազին, մարզերի, Երևան քաղաքի, Երևան քաղաքի վարչական շրջանների և կայազորների զինվորական դատախազներին, Հայաստանի Հանրապետության դատախազության գլխավոր քարտուղարին:

Ա.ԴԱՎԹՅԱՆ

